



ივანე ჯავახიშვილის სახელობის თბილისის  
სახელმწიფო უნივერსიტეტი

სოციალურ და პოლიტიკურ  
მეცნიერებათა ფაკულტეტი

გისურვებთ ნაყოფიერ და  
წარმატებულ წელს!



გზამკვლევი

<https://tsu.ge/ge/faculties/social/news/>

2016



ძვირფასო  
სტუდენტებო!

თქვენ უკვე იმ დიდი  
სულიერებისა და სა-  
ოცნებო მთელის ნაწი-  
ლი გახდით, რასაც ივა-  
ნე ჯავახიშვილის მიერ  
დაარსებული თბილი-  
სის სახელმწიფო უნი-  
ვერსიტეტი ჰქვია და

შესაძლებლობა გეძლევათ, თავად ჩანეროთ ახალი  
ფურცელი მის სახელოვან ისტორიაში.

ყოველი ახალი სასწავლო წელი, თაობათა მუდმივი  
ცვლა, ახალ ინიციატივებს, გამოწვევებს, ახალი ცოდ-  
ნისადმი მოთხოვნებს აყენებს ჩვენ წინაშე. ამ პრო-  
ცესში ძალზე დიდია პასუხისმგებლობა საუნივერსი-  
ტეტო ცხოვრებაში ჩართული თითოეული ადამიანისა,  
ვისაც თქვენი დახმარება, დამოძღვრა, მეცნიერების  
სიღრმეებში მეგზურობა აკისრია. კიდევ უფრო მეტი  
გეკისრებათ თქვენ, როგორც სტუდენტებსა და მოქა-  
ლაქეებს, რომელთაც გაცნობიერებული უნდა ჰქონ-  
დეთ საკუთარი მისია უნივერსიტეტისა და მთლიანად,  
საზოგადოებისა და ქვეყნის წინაშე.

ჩვენ რთულ ეპოქაში ვცხოვრობთ, ყოველდღიური  
გარე და შიდა პრობლემებით დამძიმებულ რეალობა-  
ში. სწორედ თქვენი ძალისხმევით, ცოდნის წყურვი-  
ლითა და შემეცნების სურვილით შეძლებთ ამ მისიის  
აღსრულებას, თქვენი წვლილის შეტანას თავისუფა-  
ლი, დემოკრატიული საქართველოს წარმატებულ გან-  
ვითარებაში. სტუდენტობა დიდი ძალაა. მას დიდი რო-  
ლი მიუძღვის ჩვენი ქვეყნის დამოუკიდებლობისათვის  
ბრძოლაში. ჩვენი აღმა-მატერი ყოველთვის ავანგარ-  
დში იყო თავისუფლებისთვის ბრძოლის პროცესში –  
ტოტალიტარულ წარსულშიც და უახლეს ეტაპზეც.  
იგი იყო წარმმართველი და ალამდარი ყველა იმ მნიშ-

## საფაკულტეტო რესურსები:

- ახალგაზრდა მკვლევართა ელექტრონული ჟურნალი
- კომპიუტერული ცენტრები
- გეოინფორმაციული სისტემების ლაბორატორია
- მულტი მედია ცენტრი
- ტელერადიო ლაბორატორია
- პრეპრინტის ლაბორატორია
- სამკითხველო დარბაზები

ვნელოვანი პროცესისა, რაც ჩვენი უკეთესი მომავლისა და დემოკრატიული განვითარებისთვის იყო ხელშემწყობი.

არ იქნება გადაჭარბებული, თუკი ვიტყვი, რომ საუნივერსიტეტო სივრცეში სოციალურ და პოლიტიკურ მეცნიერებათა ფაკულტეტს განსაკუთრებული ადგილი უჭირავს. ჩვენი ფაკულტეტის სტუდენტობა არა მხოლოდ აკადემიური მოსწრებით, განათლების დონითა და კრიტიკული აზროვნებით გამოირჩევა, იგი მუდამ აქტიური მონაწილე, ტონის მიმცემია ყველა მნიშვნელოვანი წამოწყებისა. ხშირად მოთავეცაა მთელი რიგი პროცესებისა.. ცალსახად ვერ ვიტყვით, რამდენად შედეგიანი აღმოჩნდება ხოლმე მისი ერთგვარი ინსპირატორის როლი, მხოლოდ იმის თქმა შეიძლება, რომ ეს ძიების ეტაპია, თვითდამკვიდრების, საკუთარი ადგილისა და მნიშვნელობის გაცნობიერების რთული და საინტერესო პერიოდი, რაც, საბოლოო ჯამში, გვაყალიბებს კიდევ პიროვნებებად.

დიდი იმედი მაქვს, რომ უნივერსიტეტის კედლებში გატარებული წლები ნაყოფიერი იქნება თქვენთვის, შეგიქმნით მყარ საფუძველს თქვენი მომავალი პროფესიული განვითარებისთვის, სასარგებლო გამოცდილებას შეგძინთ პიროვნული ზრდისა და სრულყოფისთვის, თქვენი მოქალაქეობრივი თვითშეგნების ამაღლებისთვის. ამ მიზნების მიღწევას შეძლებთ მხოლოდ დაუღალავი შრომითა და მეცადინეობით, თვითდისციპლინითა და მეტის შეცნობის სურვილით. ჩვენ კი ყოველმხრივ ვეცდებით, ყველა პირობა შეგიქმნათ თქვენი მიზნების რეალიზებისთვის.

და თუ მოვახერხებთ და ერთობლივად, საერთო ძალისხმევით შევეცდებით ყველა პრობლემის, სირთულის დაძლევის; ჩვენს სიმბიოზურ ურთიერთობაში ავსახავთ უნივერსიტეტისთვის სასიკეთოდ ქმედების ნებას, მაშინ გვექნება იმედი უკეთესი ხვალისდელი დღისა; უფლება იმისა, განვაცხადოთ, რომ დიდებულ წინაპართა მსგავსად, კვლავაც ვუერთგულვებთ უნივერსიტეტის მდიდარ ტრადიციებსა და ღირებულებებს!

დეკანი, ასოცირებული პროფესორი  
თამარ დოლბაია





## საზოგადოებრივი გეოგრაფია Human Geography

მისანიჭებელი კვალიფიკაცია:

სოციალურ მეცნიერებათა ბაკალავრი საზოგადოებრივ გეოგრაფიაში  
პროგრამა იძლევა **ძირითადი და დამატებითი** (major, minor) სპეციალობების კომბინირების საშუალებას.

პროგრამის ხელმძღვანელ(ებ)ი:

პროფესორები იოსებ სალუქვაძე და გიორგი გოგსაძე

## სოციალური მუშაობა Social Work

მისანიჭებელი კვალიფიკაცია:

სოციალური მუშაობის ბაკალავრი  
პროგრამა იძლევა **ძირითადი და დამატებითი** (major, minor) სპეციალობების კომბინირების საშუალებას.

პროგრამის ხელმძღვანელი:

პროფესორი იაგო კაჭკაჭიშვილი

## სოციოლოგია Sociology

მისანიჭებელი კვალიფიკაცია:

სოციოლოგიის ბაკალავრი  
პროგრამა იძლევა **ძირითადი და დამატებითი** (major, minor) სპეციალობების კომბინირების საშუალებას.

პროგრამის ხელმძღვანელი:

პროფესორი იაგო კაჭკაჭიშვილი

ივანე ჯავახიშვილის სახელობის თბილისის სახელმწიფო უნივერსიტეტის სოციალურ და პოლიტიკურ მეცნიერებათა ფაკულტეტი შეიქმნა 2005 წელს.


ფაკულტეტის სასწავლო სამეცნიერო პროცესს უზრუნველყოფს 65 პროფესორი და 41 დამხმარე სპეციალისტი.

ფაკულტეტზე სწავლობს 2968 სტუდენტი, მათ შორის ბაკალავრიატში – 2389, მაგისტრატურაში – 429, დოქტორანტიურაში – 150 სტუდენტი.

სწავლების სამივე საფეხურის პროგრამები ხორციელდება დასავლეთის წამყვანი უნივერსიტეტებიდან გაზიარებული სწავლებისა და კვლევის სტანდარტებისა და ადგილობრივი კვალიფიციური აკადემიური პერსონალის გამოცდილების საფუძველზე და დონორი ორგანიზაციების დახმარებით.

### სასწავლო-სამეცნიერო დეპარტამენტები:

- ინტერდისციპლინური
- პოლიტიკის მეცნიერება;
- ჟურნალისტიკა და მასობრივი კომუნიკაციები
- საერთაშორისო ურთიერთობები;
- საზოგადოებრივი გეოგრაფია;
- სოციოლოგია და სოციალური მუშაობა;



## ბაკალავრის აკადემიური ხარისხის მოსაკრებლად სტუდენტმა უნდა დააბროვოს 240 კრედიტი

კრედიტი (1 კრედიტი = 25 საათი) სტუდენტის დატვირთვის საზომი ერთეულია. ECTS-ის (კრედიტების ტრანსფერისა და დაგროვების ევროპული სისტემა) შემოღების მთავარ მიზეზს წარმოადგენს ქვეყნებს შორის სტუდენტების მობილობის ხელშეწყობა.

სოციალურ და პოლიტიკურ მეცნიერებათა ფაკულტეტის სტუდენტს ევალება საფაკულტეტო მოთხოვნების შესრულება და საბაზისო-საფაკულტეტო სასწავლო კურსების აღება.

### საბაზისო საფაკულტეტო სწავლება მოიცავს 50 კრედიტს და შედგება:

#### ა) სავალდებულო სასწავლო კურსებისაგან (45 კრედიტი):

1. სოციალურ მეცნიერებათა კვლევის მეთოდები – 5 კრედიტი
2. სტატისტიკა I – 5 კრედიტი;
3. ინგლისური ენა (I და II) - 10 კრედიტი
4. აკადემიური წერა-5 კრედიტი
5. შესავალი კურსები სპეციალობაში – 20 კრედიტი.

ფაკულტეტი გთავაზობთ 6 შესავალ კურსს, რომელთაგან ოთხი სავალდებულო, სტუდენტმა თავად უნდა შეარჩიოს, მათ შორის სპეციალობის შესავალი კურსი.

ესენია:

- ჟურნალისტიკისა და მასკომუნიკაციის შესავალი – 5 კრედიტი

### პოლიტიკის მეცნიერება Political Science

მისანიჭებელი კვალიფიკაცია:

პოლიტიკის მეცნიერების ბაკალავრი

პროგრამა იძლევა ძირითადი და დამატებითი (major, minor) სპეციალობების კომბინირების საშუალებას.

პროგრამის ხელმძღვანელ(ებ)ი:

პროფესორები მალხაზ მაცაბერიძე და ალექსანდრე კუხიანიძე

### ჟურნალისტიკა და მასობრივი კომუნიკაციები (ქართულენოვანი) Journalism and Mass Communications

მისანიჭებელი კვალიფიკაცია:

სოციალურ მეცნიერებათა ბაკალავრი

პროგრამა იძლევა ძირითადი და დამატებითი (major, minor) სპეციალობების კომბინირების საშუალებას.

პროგრამის კოორდინატორი:

ასოცირებული პროფესორი: მანანა შამილიშვილი

### ჟურნალისტიკა და მასობრივი კომუნიკაცია /ბილინგვური/ Journalism and Mass Communications.

მისანიჭებელი კვალიფიკაცია:

სოციალურ მეცნიერებათა ბაკალავრი

პროგრამა იძლევა ძირითადი და დამატებითი (major, minor) სპეციალობების კომბინირების საშუალებას.

პროგრამის ხელმძღვანელ(ებ)ი:

ასოცირებული პროფესორი ირინა ბიჭიკაშვილი

### საერთაშორისო ურთიერთობები International Relations

მისანიჭებელი კვალიფიკაცია:

საერთაშორისო ურთიერთობების ბაკალავრი

პროგრამა იძლევა მხოლოდ ძირითადი (major) სპეციალობების საშუალებას.

პროგრამის ხელმძღვანელ(ებ)ი:

პროფესორი ზურაბ დავითაშვილი

## ვის მივმართოთ დამატებითი კითხვებისა და ინფორმაციის შემთხვევაში?

თქვენთვის სასურველი ინფორმაციის მისაღებად სასწავლო პროგრამებისა და განრიგის შესახებ მიმართეთ:

### პოლიტიკის მეცნიერება

თსუ IV კორპ., ოთახი №301, Tel.: 222 11 01(254)

### ჟურნალისტიკა და მასობრივი კომუნიკაცია

თსუ VI კორპ., ოთახი #206, Tel.: 222 11 01(234)

### საერთაშორისო ურთიერთობები

თსუ IV კორპ., ოთახი №202, Tel.: 229 03 66

### საზოგადოებრივი გეოგრაფია

თსუ IV კორპ., ოთახი №211, Tel.: 222 11 01(261)

### სოციალური მუშაობა და სოციოლოგია

თსუ IV კორპ., ოთახი №306, Tel.: 225 08 19

### ფაკულტეტის სასწავლო პროცესის მართვის სამსახური

თსუ VI კორპ., ოთახი №207, Tel.: 225 17 35

### სტუდენტთა მომსახურების ცენტრი

თსუ VI კორპ., ოთახი №207, Tel.: 222 11 01(233)

### სამეცნიერო კვლევებისა და განვითარების სამსახური

თსუ VI კორპ., ოთახი №406, Tel.: 222 11 01(228)



შენიშვნა: პირად ბარათში მითითებული ინფორმაციის ცვლილების შემთხვევაში ერთი თვის ვადაში აცნობეთ ფაკულტეტის სასწავლო პროცესის მართვის სამსახურს.

- შესავალი პოლიტიკის მეცნიერებაში – 5 კრედიტი
- შესავალი საერთაშორისო ურთიერთობებში – 5კრედიტი;
- საზოგადოებრივი გეოგრაფიის შესავალი – 5 კრედიტი;
- სოციოლოგიის შესავალი – 5 კრედიტი;
- სოციალური მუშაობის შესავალი – 5 კრედიტი;

## ბ) არჩევითი სასწავლო კურსებისგან (5 კრედიტი), ქვემოთ ჩამოთვლილთაგან სავალდებულოა ერთი კურსის აღება

- ლოგიკა – 5 კრედიტი
- გამოყენებითი ეკონომიკა – 5 კრედიტი
- ანთროპოლოგია – 5 კრედიტი
- კონფლიქტი, გენდერი და მშვიდობის მშენებლობა – 5კრედიტი
- მეტყველების კულტურა (არაჟურნალისტებისთვის) – 5კრედიტი

## ძირითადი სპეციალობის სასწავლო კურსების ოდენობა განისაზღვრება 120 ECTS/კრედიტით/

დამატებითი სპეციალობისა და თავისუფალი კრედიტების არჩევა დასაშვებია, როგორც ძირითადი ფაკულტეტის, ასევე თსუ-ის სხვა ფაკულტეტების საბაკალავრო პროგრამებიდან

## უცხო ენის სწავლება

სოციალურ და პოლიტიკურ მეცნიერებათა ფაკულტეტზე, სპეციალობების საჭიროებებიდან გამომდინარე, სავალდებულოა ინგლისური ენის შესწავლა და 10 კრედიტის დაგროვება. საერთაშორისო ურთიერთობებისა და საზოგადოებრივი გეოგრაფიის მიმართულებებზე სავალდებულოა 30 კრედიტის შესრულება. საერთაშორისო ურთიერთობების სტუდენტებს დამატებით ასევე ევალებათ 20 კრედიტის მოცულობით მეორე უცხო ენის გავლაც. ინგლისურ ენასთან ერთად სტუდენტს სურვილის შემთხვევაში შეუძლია მეორე უცხო ენის არჩევაც, რაც ჩათვლება თავისუფალ კრედიტში.

ინგლისური ენის 10-კრედიტიანი სწავლების ვალდებულებისაგან თავისუფლდება ინგლისური ენის B2 დონეზე ცოდნის დამადასტურებელი საერთაშორისო სერტიფიკატების მქონე სტუდენტი.

## რას ნიშნავს ადმინისტრაციული და აკადემიური რეგისტრაცია?

ადმინისტრაციული რეგისტრაცია გულისხმობს ყოველი სემესტრის დასაწყისში სწავლის საფასურის გადახდას (რესპუბლიკა ბანკი, თიბისი ბანკი, ლიბერთი ბანკი), ხოლო აკადემიური რეგისტრაციისას სტუდენტი თსუ-ის ბაზაში (sms.tsu.ge) ირჩევს სასწავლო დისციპლინებს.

## რამდენი კრედიტის აღების უფლება აქვს სტუდენტს ყოველ სემესტრში?

სასწავლო წლის განმავლობაში ბაკალავრიატის სტუდენტს აქვს 65 კრედიტის აღების უფლება (თითოეულ სემესტრში 30 ან და 35 კრედიტი). ასევე VIII და XII დამამთავრებელ სემესტრში სტუდენტს აქვს უფლება, აიღოს 40 კრედიტი, თუ მას ამ დროისთვის უკვე დაგროვილი აქვს 200 კრედიტი. სტუდენტი, რომელიც VIII სემესტრის განმავლობაში ვერ დააგროვებს 240 კრედიტს და არ შეასრულებს საფაკულტეტო პროგრამით გათვალისწინებულ სავალდებულო მოთხოვნებს, დარჩენილი კრედიტების დასაგროვებლად თვითდაფინანსების საფუძველზე აიღებს დამატებით სემესტრს.

გაითვალისწინეთ, რომ სახელმწიფო გრანტი მოქმედებს მხოლოდ რვა სემესტრის განმავლობაში.

## შეიძლება თუ არა ერთი და იმავე სავალდებულო საგნის ხელმეორედ არჩევა კრედიტის შეუსრულებლობის შემთხვევაში?

შესაძლებელია ერთი და იმავე სავალდებულო საგნის სამჯერ არჩევა, მაგრამ მესამედ კრედიტის შეუსრულებლობის შემთხვევაში შეგინწყდებათ სტუდენტის სტატუსი.